

مُشَاطِقَاتُ

محل مطبعه و اداره :

جفال اوغلانده امنيت

صندوغى جوارنده

شنگول يقوشنده

۲۲ نومرو

امطار :

مسلكمزه موافق آثار

جدیده مع الممنونيه

قبول اولنور

درج ايدلمه ين آثار اعاده اولنماز

ديره ، فلسفه ، علوم ، ادبيات و سياستنامه و بالخاصه احوال و شئون اسلاميه در بحث ايدر و هفته ده بر نشر اولنور :

آبونه بدلى

صاحب و مؤسسلرى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

تاريخ تأسيسى

قىرلمه دن مقوا بورو ايله كوندريلىرسه سنوى

۲۰ غروش فضله آلنير

۱۰ تموز ۳۲۴

سنه لى	اللى آيلى	غروش
۶۵	۳۵	۶۵
۶۰	۳۰	۶۰
۱۷	۹	۱۷

ممالك عثمانيه ايچون

روسيه

سائر ممالك اجنبيه

بشنجى جلد

۲۵ رمضان المبارك پنجشنبه ۱۶ ايلول ۳۲۶

عدد : ۱۰۸

ایسه حریت کامله اوزره یاشادقلری معلوم . بناء علی ذلک (دوزی) نك فقره اخیره سنده کی (نهایه الامر) تعیری حشو مفسد قیلندن اولدینی میدانددر . چونکه سوء ایهامی تضمن ایدیور . بوندن باشقه فقره مزبورده دن فوق العاده حائر غرابت بر حکمده نمایان اولمقده درکه — اگر ترجمه اصله تماماً مطابق ایسه — (دوزی) نك زعم باطنجه اعتقاد وحدانیت ایله بتپرستک حد ذاتنده قابل توفیق ایش ، بواکی مسلك متضاد بیتی جمع وتالیف ممکن اولورمش فقط رسول اکرم (حضرتلری) بوکا موفق اوله مامشدر بوندن طولای بتپرستکی انکاره وارمشدرمش .

دقتور (دوزی) دن باشقه آچقندن آچینه بوفکره تائل اولان کورلمش دکلددر . ظاهر بوده مرقومک بویوک فلسفه لرندن مترجمک قولنجه درین امعانلرندن اولسه کرک . واقعا (اقایم نلشه) یه قائل اولان بالجه طوائف خرسیانک موحداک دعواسنده بولنلری ده غرابتجه بوندن اشاعی دکلددر . فقط بتپرستک هیچ بر طائفه عنندنده حقیقه توصیف اولنماز . (فماذا بعد الحق الا الضلال)

مناسرتلی اسماعیل حق

حسب حال

مسلمانلغک علمه قارشلی پک حرمتلی ، پک مساعدله داوراندینی اثبات ایتک ، بونک عکسنی ادعا ایدن خصمنی صوصدرمق ایچون مرحوم شیخ محمد عبده بر اثرنده شویله دییور :

«جزویت ، فرره ، آمریقان مکتبلرنده یوزلرجه مسلمان چوجنی کوره بیلیرسکز . حال بوکه بومؤسسهرک هبسی ، خصوصیه جزویتلرکی برردین مکتبیدر ، پک اعلا ؛ بکادر سخا نلرینی هرملته آچیق طوتان بردینی مسلمان مکتبی کوستره بیلیرمیسکز که ایچنده تک بر خرسیان شا کرد بولنسون ؟ خرسیان طلبیه آنحق حکومتک آچدینی مکتبلرده تصادف اولنه بیلیر که بوکاده سبب بوکی رسمی مکتبلرده تدریساتک دین اساسی اوزرینه مؤسس اولمامسیدر .»

شیخ مرحومک سوزلری مع التأسف پک طوغری . مع التأسف دییورز چونکه ملیتی ، دیانی حتمده هنوز هیچ بر تلقیسی ، هیچ بر فکری اولمایان معصوم اولادینی پاپاسلرک الله تسلیم ایتک ملاحظه دن ، حسدن آزاچق نصیبی اولان بر بابا ایچون ایسته یه ایسته یه پاپایر بر حرکت اولماسه کرکدر !

بزنه حییتسز آدمار ، نه وظیفه سز بابالرزکه موجود مکتبلریمزی ایشه یارار بر حاله کتیرمک ، یاخود یکیدن آدم عقلی مؤسسهر یایمق طرفه هیچ یا ناشمیورزده استقبالمزی تشکیل ایده جک بکر پاره لریمزک تربیه سنی اواستقبالک خیالندن بیله اورکن بر طاقم یابانجیلره بر اقیورزا زنکیکن ، اورته حاللی ، زوکورت ، الحاصل هیمز مکتبسز لکدن ، هیمز معارف سز لکدن شکایت ایدیورز ، فقط هیچ بریمز بو دردک چاره سنی بولمق ایسته میورز . یدی باجاناق کیدیورلرمش ، ساعتلرجه

کورده اقامت ایلدیکی هیچ بر مورخ طرفندن درمیان اولمش دکلددر [جناب زید طالب دین حق اوله رق ممالک حجازدن چیقوب شامه طوغری کلش ایدی ، باقلا ناحیه سنده آگاه حقائق بر راهبله کوروشوب اوندن دین خنیف ابراهیمی استعمال ایدی . راهب آکا «سن بر دینه طالب اولیورسک که سنی اودینه ایریشدیره جک کیمسه بوله میه جقسک . ولکن چیقوب کلش اولدیغک بلاددن ظهور ایده جک اولان آخر زمان پیغمبرینک زمان ظهوری تقرب ایتشددر . ایشته اول حضرت دین ابراهیم اساسی اوزرینه مبعوث اوله جقدر . سن آرتق طورمه کیت . بلکه ده ظهور ایتشددر » دیمش اولدیغندن زید ایسه یهودیت ونصرانیتی نظر تأمل وامعانندن کچروب آنلرک هیچ برندن خوشنود اوله مامش بولندیغندن هان سربغا اورادن حرکت ایتمش ، مکیه کیدرکن یولده خرسیانلر طرفندن شهید ایدلمشدر ، [بو روایتک قصه عامریه ایله توفیقی ممکندر . فتأمل]

بر کون مشار الیهک اوغلی سعید (رض) وعمرزاده سی حضرت عمر الفاروق رسول الله حضرتلرندن کندیبسی ایچون استغفار بیورمسنی نیاز ایتشاردی .

جناب رسالتکاب افندیوزدن «های های ! تیقن ایدیکر که زید یوم قیامتده باشلی باشنه بر امت اوله رق بعث اولنه جق مألنده کی (نم فانه یبعث امة واحدة) حدیث شریفیه جواب موافقت آلدیلر که بوللرندن ده زیدک آخرتده ارباب فلاح عدادنده بولنه جنی مستفاد اولور .

قول راجحه کوره مشار الیهک وفاقی بعثت محمدیه دن بش سنه اقدام وقوع بولشددر . (اه)

«چوق کچمه دن محمد «ص.ع» حنیفلرک افکارینه تقرب ایتدی ، والله (تعالی) حقنده کی فکرلرینی اصنامک موجدیتیه [معبودیتیه] تألیف ایده مدیکندن نهایت الامر اصنامک موجودیتنده تردده [دوشدی] واولری انکاره واردی .»

بوادعای فاسده قارشلی ده بز (حاشا) دیرز . زیرا رسول اکرم افندیوز حضرتلرینک نه حنیفلرله نه ده باشقه کیمسه لرله مباحثه دینه مناظره علمییه ده بولندقلری واقع دکلددر که مباحثات جاریه ائسانسده حنیفلرک مسالکی مسالک صواب اولدینی نزد مبارکلرنده تبیین ایتدی ، واولرک افکارینه تقرب ایلدی دیمک صحیح اوله بیلسون . بلکه اول حضرتده انبیای سالفین حضراتی کی فطرة مؤمن وموحد اصول وارکان دینه یه معتقد بولنورلردی .

کذلک هیچ بر پیغمبر مدت عمرنده بتلره طامش ، عبادت اصنامک بطلاننده تردد ایتمش دکلددر . رسول اکرم افندیوزده — کتب سیرده بیان اولدینی اوزره — فطرت سلیمه لری اقتضاسنجه دائماً بتلردن متنفر بولندقلری حالده حدائث سنلری هنکامنده عموجلری طرفندن بردفعه بتخانه یه کوتورلمک ایسته نلمش ایدی . فقط قپودن کیریله جکی صروده اوزرینه بر فائق کلش ، شدتلی رعشه لرعارض اولمشده اعاده سنه مجبوریت کورلمشیدنی ، عصمت ربانیه سایه سنده بتلره تقربدن وارسته قالمشاردی .

بو حالک تکرری اوزرینه بردها تکلیفده بولنمادیلر بویودکن صوکارا

سورن سگوت جانلرینی صیقمش ، بر آدم اولسه ده لاف ایتسه ک !
دیمش ۰۰۰ بزه طبق بویله یز : ملیونلرجه حریف بریره طویلانمش
« آه بر صاحب خیر چیقسه ده چوچقلریمز ایچون مکتب آچسه ! »
دیوروز .

بزه پک غریب ، بونکله برابر پک فنا بر طبیعت وار : مسئولیتی
همزه بردن راجع اولسی لازم کلن یولسلرقلری ، خطالری آغیز
طولوسی ، صحیفه طولوسی مؤاخذه ایتمهکله وظیفه مزنی ادا ایلهمش
اولیورز ؛ شوهیت اجتماعی تشکیل ایدن افراددن بری بولمق اعتباریله
میداندهکی قنالقلردن کندهیمزکده مسئول اولدینمزی هیچ خاطرلا -
میوروز . مملکتهمزه بر شرف توجه ایدرسه هر بریمز اک بیوک حصه
نفسنه آیرمق ایسته یور ؛ ملنک شاننی ، حیثیتی لکهلین اجتماعی
مسخره لقلرک تهمتی ایسه هیچ بریمز یانه یاقلاشدیرمایور !
برده ، باقیورم ، وظیفه پرورلکی ، فداکارلنی دایما باشقلرندن
بکلیوروز . دوستلر شهید ، بزغازی ! « یغماسی درت الله صارلدیغمز
بر دستور .

اولکی اقشام محترم از قداشم آقچورا یوسف بک شویله بر وقعه
حکایه ایتدی :

لهستان مسلمانلردن برزنلکین آدم کچلرده استانبوله کلش .
مقصدی هم بومملکتده بویوچک برایش یامق ، همده اوغانی مکتبلر مزدن
برینه ویرمک ایش . چونکه اورا جیمنازیالری نه دوام ایدن چوچوغنک
روسلاشمانی ایسته میورایش .

بو حیتلی آدم اولا مکتب سلطانی به کیمش ؛ مقصدینی
دیبل دوندیکی قدر آکلاتمش . فقط قارشیشنده کیلر بردلو زواللی آدمه
ایستدیکی معلوماتی ویرمه مشلر ؛ حتی انه صوندقلری پروغرامده
فرانسزجه یازلمش ایش .

باشقه بر مکتب یوقی ، دیمش . روبرت قوللری صاعلق ویرمشلر .
کیمش . یانه قاندقلری تر جان واسطه سیله ، کز مکده اولدینی مؤسسه
حقنده معلومات آلیرکن معبده بکزر بریر نظر دقتی جلب ایش !

— بوراسی ندر ؟

— کلیسادر . شوکری به هر هفته بر پروتستان پاپاسی چیقهرق طلبیه

وعظ ایدر .

— وعظی دیکله مک مجبوریمیدر ؟

— اوت ، عموم طلبه ایچون مجبوریدر .

— پک اعلا ! طلبه ایچنده مسلمان یوقی ؟

— سکسان کشی وار .

— چوق شی ! مسلمان چوچقلری پروتستان پاپاسک وعظنده
بولونسوزلر ، همده مجبوراً بولونسوزلر ها ! لکن روسیه مکتبلری
بورادن چوق ای ایش . اولنر مسلمان طلبه یی پاپاسلرک ویردیکی وعظلرده ،
دین درس لرنده حاضر بولوندرمق شویله طورسون ، طلبه کندهیلکنندن
کیرمک ایستسه منع ایدرلر .

بونک اوزرینه آدجغز شوعقده یی چوزمک ایچون هیئت اداره یه
ایچکزده بر ترک اولسه ده اونکله آکلاشسه ق ، دیمش . کنده یسنه وار
درجوانی ویرمک جنتلمن بر ذاتک یانه کتورمشلر . بوذات عموم
طلبه نک موعظه کونلری معبده بولمنی مؤسسه نک واقفی طرفندن
وضع ایدلمش بر اصول اولدینغی ، بناء علیه مسلمان چوچقلرکده بوندن
استثناسی قابل اوله مایه جنتی سوبلد کدن صوکره صرف اخلاق برزمینده
جریان ایدن بوموعظه لردن اوقدر اورمک ایجاب ایتیه جکنی بیلدر -
مش . ذاتاً انسان دینی مکتبده آلامزمش ؛ بویود کدن ، دوشونجه سی
قوتند کدن صوکره دین حقنده بر فکر ایدینرمش . . .

بوملاحظه لری دیکله یین لهستانلی قاردشمن : « ای اما انسانک
بویونجه یه قدر بولنه جنی محیطلر ، معروض اوله جنی تلقینلر بوسبتون
تأثیرسزمی قالیر ؟ بونلرک هر برینک وجدانیات اوزرنده مهم مهم
انطباعاتی اولمازمی ؟ » دیمشسه ده مخاطبندن « او حالده مکتب سلطانی به
مراجعت ایدیکز » سوزندن باشقه جواب آله مامش .

شمدی بو آدجغز راست کادیکنه چوچوغنی ایچون بر مکتب
صوریورمش .

بر مسلمان چوچوغنه هم روسیه دهکی ژیمنازلر درجه سنده علوم
وفنون اوکرده جک ، همده صاعلام بر مسلمان تربیه سی ویره جک
بر مکتب کیمک خاطرینه کلیرسه لطفاً بزه بیلدیرسین !

محمد عاکف

نظر شریعتده

قوة بریه و بحریه نک دزجة اهمیت ووجوبی

کچن نسخه دن مابعد

خیرالدین بک استانبوله کلنجه طرف سلطنتدن جزائر بکلر بکلکی
رتبه سی الحاقیله دریا قپودانی نصب اولندی . خیرالدین پاشا
هان قوة بحریه نک تنظیمنه قویولندی . اوسنه التمش بر قطعه
سفینه انشا ایتدیردی . جزائر دن کتیرمش اولدینی یکرمنی اوچ قطعه
سفینه یی دخی الحاق ایله جماعاً سکسان درت قطعه حرب سفینه سیله
اوسنه آق دکزه سفر ایتدی . مالطه سواحلی و او سمتده دهها
بض قله لری تخریب ، وپک چوق سفائن اعدایی احراق ایدوب
استانبوله عودت ایتدی . طقوز یوز قرق اوچ تاریخنده ایکوز
سکسان قطعه سفائن دن مرکب مکمل بر دونم ایله تکرار آق
دکزه سفر ایتدی . (چوقه) اطه سی جهتلرنده فتوحات
عظیمه یه نائل اولوب کلی اموال و غنائم ایله استانبوله عودت ایتدی .
طقور یوز قرق بش سنه سی محرمنده یوز اوتوز سکز قطعه
سفینه ایله بتکرار آق دکزه سفر ایتدی . استندل ، کرید ، کرپه
اطه لرنی فتح ایدوب بعده روم ایلی قطعه سنه صالدیردی .

اساساً خیرالدین پاشانک ظهوری آوروپا دولتلرینی قورقوتمش
اولوب مؤخرآ قپودان پاشا نصب ارلته رق استانبول ترسانه سنی